

INUIT ATAQATIGIIT

Inatsisartuni



UKA17/67
3. oktober 2017
Hans Aronsen

Inatsisartut aalajangiiffigisassaattut siunnersuut Naalakkersuisut peqquneqassasut, aalisarnerup iluani tunitsivinni tunisat tamaasa oqimaassutsinut akigititat ingerlaavartumik saqqummiunneqartalernissaat anguniarlugu internetsikkut portalimut pilersitsinissamik nalunaarusiamik 2018 ingerlanerani agguaassissasut. Nalunaarusiami nalilersuinerit, suliassat pilersitsinissamut tunngasut, naleqqussaajuarnissamullu aningaasartuutissat ilanngunneqassapput, portali qanoq aqqissuunneqarsinnaanersoq – kiisalu inuussutissarsiummut tunngatillugu aningaasarsiornermut unammilleqatigiinnermullu qanoq kinguneqarsinnaanera ilaatinneqassallutik.
(Inatsisartuni Ilaasortaq Henrik Fleischer, Partii Naleraq)

Siullermik siunnersuuteqartoq Henrik Fleischer qutsavigiumavarput, siunnersuummik matuminnga saqqummiussaqaarnerani.

Siunnersuuteqartoq paasilluarparput nunani sanilerisatsinni periuseq manna atorreqartoq soqutiginarluinnartuusorlu. Naalakkersuisullu paasilluarpagut siunnersuut itigartimmasuk.

Taamaattorli naalakkersuisut aalisarnermi tunitsivinnik tunisassiorfinnillu ingerlatsisunut akit ilusaannik paasiuminarnerulersitsinissamut aqqissuussisoqartariaqarneranik saaffiginninnissaat taparserparput, ilanngullugulu kattuffiit peqatigiiffiillu ilanngullugit saaffigineqarnissaat pisariaqarsoraarput, tamanna naalakkersuisut pissutissaqarsorippasuk.

Siunnersuullu taama isikkoqartillugu Inuit Ataqatigiinniik itigartillutigu.